

清代學術名著叢刊

〔清〕顧炎武 著 黃汝成 集釋
樂保羣 呂宗力 校點

日知錄集釋

全校本

下

上海古籍出版社

清代學術名著叢刊

日知錄集釋

顧炎武著

樂保羣

校點

黃汝成集釋

呂宗力校點

樂保羣校點

黃汝成集釋

呂宗力校點

樂保羣校點

黃汝成集釋

呂宗力校點

樂保羣校點

黃汝成集釋

呂宗力校點

樂保羣校點

黃汝成集釋

呂宗力校點

樂保羣校點

黃汝成集釋

呂宗力校點

樂保羣校點

日知錄集釋

全校本

下

上海古籍出版社

日知錄集釋卷二十三

姓

言姓者，本於五帝，見於《春秋》者得二十有二。媯，虞姓，出顓頊，封於陳。姁，夏姓，出顓頊，封於杞、鄆、越。^{〔一〕}子，殷姓，出高辛，封於宋。^{〔二〕}姬，周姓，出黃帝，封於管、蔡、邲、霍、魯、衛、毛、昝、郇、雍、曹、滕、畢、原、鄆、邶、邴、晉、應、韓、凡、蔣、邢、茅、胙、祭、吳、虞、號、鄭、燕、魏、芮、彤、荀、賈、耿、滑、焦、楊、密、隨、巴諸國。^{〔三〕}任宿、須句、顓臾，風姓也，自太皞。秦、趙、梁、徐、郟、江、黃、葛、廩，嬴姓也，自少皞。莒，己姓；薛，任姓；^{〔四〕}南燕，媯姓也，自黃帝。^{〔五〕}杜，祁姓也，自陶唐。楚、夔、權、牟姓；邾、邠，曹姓；邶、偃陽，妘姓；潁夷，董姓也，自祝融。^{〔六〕}齊、申、呂、許、紀、州、向，姜姓也，自炎帝。^{〔七〕}蓼、六、舒、舒鳩，偃姓也，自咎繇。胡，歸姓；鄧，曼姓；羅，熊姓；狄，隗姓；鄆瞞，漆姓；陰戎，允姓。六者不詳其所出。^{〔八〕}略舉一二

論之，則今之孟氏、季氏、孫氏、甯氏、游氏、豐氏皆姬；陳氏、田氏皆媯；華氏、向氏、樂氏、魚氏皆子；崔氏、馬氏皆姜；屈氏、昭氏、景氏皆芊。自戰國以下之人，以氏為姓，而五帝以來之姓亡矣。〔九〕

〔一〕【原注】《傳》云：「沈、姒、蓐、黃。」春秋時無考。

〔二〕【原注】小戎亦子姓。

〔三〕【原注】驪戎、大戎皆姬姓。

〔四〕【原注】隱十一年疏引《世本》：「謝、章、薛、舒、呂、祝、終、泉、畢、過十國，皆任姓。」

〔五〕【原注】密須亦姑姓。○《國語》又有酉、滕、箴、荀、僖、僂、依七姓，其封國在周，世無考。

〔六〕【原注】《國語》又有彭、秃、斟三姓，在周，世無考。

〔七〕【原注】又有姜戎。

〔八〕【原注】《國語》以莒為曹姓，越為芊姓，與此異。

〔九〕【原注】或曰嬴姓出於祝融，邳、葛、穀皆嬴姓。伯益賜姓嬴，秦、趙、徐乃其後。○凡注疏家所引姓氏，大抵出於《世本》，今其書亡，不能備考。

【小箋】按：此乃《漢書》注臣瓚之說，而師古則云：「子南，其封邑之號，以為周後，故總言周子南君。瓚說非也。」愚謂子南是氏，當從瓚說；周子南君，猶盧綰稱東胡盧王，王其爵也，盧其姓也，東胡其所封也。周子南君者，蓋封為周君而并其氏稱之耳。顧氏謂即以其氏命之為爵，恐不然也。

氏族

《禮記·大傳》正義：「諸侯賜卿大夫以氏，若同姓，公之子曰公子，公子之子曰公孫。公孫之子，其親已遠，不得上連於公，故以王父字為氏。若適夫人之子，則以五十字伯仲為氏，若魯之仲孫、季孫是也。若庶子妾子，則以二十字為氏，^{〔一〕}則展氏、臧氏是也。若異姓，則以父祖官及所食之邑為氏。以官為氏者，則司馬、司城是也；以邑為氏者，若韓、趙、魏是也。凡賜氏族者，比為卿乃賜。有大功德者，生賜以族，若叔孫得臣是也。雖公子之身，若有大功德，則以公子之字賜以為族，若仲遂是也。其無功德，死後乃賜族，若無駭是也。^{〔二〕}其子孫若為卿，其君不賜族，子孫自以王父字為族也。氏、族，對文為別，散則通也。故《左傳》云『問族於衆仲』，下云『公命以字為展氏』是也。其姓與氏散亦得通，故春秋有姜氏、子氏，姜、子皆姓而云氏是也。」

「〔一〕原注」《記》所云「冠而字之」之「字」。

「〔二〕原注」按此論亦多不然詳，見第一卷「卿不書族」條。

【汝成案】在第四卷。

戰國時人大抵猶稱氏、族。「二」漢人則通謂之姓，然氏、族之稱猶有存者。《漢書·恩澤侯表》：「褒魯節侯公子寬，以魯頃公玄孫之玄孫奉周祀。元始元年六月丙午封。子相如嗣，更姓公孫氏。」「三」後更為姬氏。「公子、公孫，氏也；姬，姓也。此變氏稱姓之一證。」「三」

「一」【原注】《戰國策》：甘茂曰：「昔者曾子處費，費人有與曾子同名族者而殺人。」不言姓而言族，可見當時未嘗以氏為姓也。

「二」【原注】《平帝紀》：「封周公後公孫相如為褒魯侯。」當依《表》作「公子寬」。

「三」【沈氏曰】《大傳》：「庶姓別於上。」《疏》以氏族解之。然則漢人所云「姓某氏」者，皆以庶姓言也。

《水經注》：「漢武帝元鼎四年，幸洛陽，巡省豫州，觀於周室，邈而無祀。詢問耆老，乃得孽子嘉，封為周子南君，以奉周祀。按《汲冢古文》謂衛將軍文子為子南彌牟，其後有子南勁。《紀年》：『勁朝於魏。後惠成王如衛，命子南為侯。』秦并六國，衛最後滅。疑嘉是衛後，故氏子南而稱君也。」據此，嘉本氏子南，武帝即以其氏命之為爵。而《漢書·恩澤侯表》竟作姬嘉，則沒其氏而書其姓矣，與褒魯之封公孫氏更為姬氏者正同。

姓、氏之稱，自太史公始混而為一。《本紀》於秦始皇則曰「姓趙氏」，於漢高祖則曰「姓劉氏」。

先生《原姓篇》曰：男子稱氏，女子稱姓。氏一再傳而可變，姓千萬年而不變。最貴者國君，國君無氏，不稱氏稱國。踐土之盟，其載書曰：「晉重、魯申、衛武、蔡甲午、鄭捷、齊潘、宋王臣、莒期。」荀偃之稱齊環，衛太子之稱鄭勝、晉午是也。次則公子，公子無氏，不稱氏，稱公子，公子彊、公子益師是也。最下者庶人，庶人無氏，不稱氏稱名。然則氏之所由興，其在於卿大夫乎？故曰：諸侯之子為公子，公子之子為公孫，公孫之子以王父字，若謚、若邑、若官為氏。氏焉者，類族也，貴貴也。考之於《傳》，二百五十五年之間，有男子而稱姓者乎？無有也。女子則稱姓。古者男女異長，在室也稱姓，冠之以序，叔隗、季隗之類是也；已嫁也，於國君則稱姓，冠之以國，江芊、息媯之類是也；於大夫則稱姓，冠之以大夫之氏，趙姬、盧蒲姜之類是也；在彼國之人稱之，或冠以所自出之國若氏，驪姬、梁嬴之於晉，顏懿姬、駸聲姬之於齊是也；既卒也稱姓，冠之以謚，成風、敬嬴之類是也；亦有無謚而仍其在室之稱，仲子、少姜之類是也。范氏之先，自虞以上為陶唐氏，在夏為御龍氏，在商為豕韋氏，在周為唐杜氏。士會之帑處秦者為

劉氏，夫概王奔楚為堂谿氏，伍員屬其子於齊為王孫氏，智果別族於太史為輔氏，故曰「氏可變」也。孟孫氏小宗之別為子服氏，為南宮氏，叔孫氏小宗之別為叔仲氏。季孫氏之支子曰季公鳥、季公亥、季寤，稱季不稱孫，故曰「貴貴」也。魯昭公娶於吳，為同姓，謂之吳孟子。崔武子欲娶棠姜，東郭偃曰：「男女辨姓，今君出自丁，臣出自桓，不可。」夫崔之與東郭氏，異昭公之與夷昧，代遠，然同姓百世而婚姻不通者，周道也，故曰「姓不變」也。是故氏焉者，所以為男別也；姓焉者，所以為女坊也。自秦以後之人以氏為姓，以姓稱男，而周制亡而族類亂。〔一〕

〔一〕錢氏曰：「三代以前有天下者，皆先聖之後，封爵相承，遠有代序，衆皆知其得姓受氏之由。虞姚、夏姒、殷子、周姬，百世而婚姻不通。小史奠繫，世序昭穆，實掌其事，不可紊也。戰國分爭，氏族之學久廢不講。秦滅六雄，廢封建，雖公族亦無議貴之律，匹夫編戶知有氏不知有姓久矣。漢高帝起於布衣，太公以上，名字且無可考，況能知其族姓所出耶？故項伯、婁敬賜姓劉氏，娥姁為皇后，亦不言何姓。以氏為姓，遂為一代之制，而後世莫能改焉。」

氏族相傳之訛

氏族之書所指秦、漢以上者，大抵不可盡信。《唐書》表李氏則云：「紂之時有

理徵，字德靈，為翼隸中吳伯。」^①「不知三代時無此名字無此官爵也。表王氏則云：「周靈王太子晉，以直諫廢為庶人。」^②傳記亦無此事。「王氏定著三房，一曰琅邪，二曰太原」，皆出靈王太子晉，「三曰京兆」，出魏信陵君。是凡王皆姬姓矣。乃王莽自為舜後，^③莽敗，其族尚全，未必無後裔。而春秋吳有王犯，晉有王良，范氏之臣王生；戰國齊有王斗、王蠋、王驩，費有王順，魏有王錯，趙有王登，秦有王稽、王齕、王翦、王綰、王戊，^④亦未必同出於靈王也。」^⑤韓文公作《王仲舒神道碑》，文云：「王氏皆王者之後，在太原者為姬姓。春秋時，王子成父敗狄有功，因賜氏。」此語卻有斟酌。

【一】【原注】本李延壽《北史·序傳》。

【二】【原注】《漢書·元后傳》：「莽自謂黃帝之後。黃帝姓姚氏，八世生虞舜，舜起鳩訥，以鳩為姓。至周武王，封舜後鳩滿於陳，是為胡公。十三世生完，完字敬仲，奔齊，齊桓公以為卿，姓田氏。十一世，田和有齊國，三世稱王。至王建，為秦所滅。項羽起，封建孫安為濟北王。至漢興，安失國，齊人謂之王家，因以為氏。」

【三】【原注】《過秦論》有王廖，未知何國人。

【四】【原注】《野客叢書》：「曹子建作《王仲宣誄》曰：『流裔畢萬，末胄稱王。厥姓斯氏，條分葉散。世滋芳烈，揚

① 見《新唐書·宗室世系表》。

② 以下見《新唐書·宰相世系表》。

聲秦漢。『呂向注：『秦有王翦、王離，漢有五侯。』按王粲係畢公高之後，畢萬封於魏，後十代，文侯始列為侯，至孫稱惠王，因以王為氏。而秦之翦、離，自周太子晉之後。漢之五侯，自齊田和之後。此三派元不相干，注引為一，誤矣。故新莽以姚、嬀、陳、田、王五姓為宗室，且禁元城王氏勿與四姓為婚，而已自取王詵之女。魏東萊王基為子納太原王沈女。皆不以為嫌，蓋知此也。庾信作《宇文傑墓志》亦有是誤。」

竇氏。古無所考，類族者不得其本，見《左傳》有「后緡方娠，逃出自竇」之文，即為之說曰：「帝相妃有仍氏女，逃出自竇，奔歸有仍，生少康。少康次子曰龍，留居有仍，遂為竇氏。」此與王莽引《易》「伏戎於莽，升其高陵」，「莽，皇帝名也」，升，劉伯升也」^①，何以異哉！乃韓文公作《竇牟墓志》「后緡竇逃閔腹子，夏以再家竇為氏」，亦用此事。竊意古地以竇名者甚多，必是以地為氏。《路史》曰：「余嘗考之，古之得姓者未有不本乎始封者也，其氏於事者蓋寡矣。而姓書、氏譜一每為之曲說，至有棄其祖之所自出，又牽異類而屬之，豈不悲哉！」正謂若此之類也。

【一】原注《唐書·宰相世系表》。

① 《漢書·王莽傳》。

漢時碑文所述氏族之始，多不可據。如魏蔣濟《郊議》，稱《曹騰碑文》云：「曹氏族出自邾。」^①王沈《魏書》云：「其先出於黃帝，當高陽世，陸終之子曰安，是為曹姓。周武王克殷，封曹俠於邾。至戰國，為楚所滅，子孫分流，或家於沛。」^②而魏武作《家傳》，自云「曹叔振鐸之後」，陳思王作《武帝誄》曰「於穆武王，胄稷胤周」，則又姬姓之後，以國為氏者矣。及至景初中，明帝從高堂隆議，謂魏為舜後，詔曰：「曹氏世系，出自有虞氏，今祀圜丘，以始祖帝舜配。」^③後少帝《禪晉文》，亦稱「我皇祖有虞氏」^④，則又不知其何所據。「夫以一代之君，而三易其祖，豈可笑？況於士大夫乎！」

「一」原注《宋書·符瑞志》載博士蘇林、董巴言，但云「魏之氏族，出自顓頊，與舜同祖，見於《春秋》、《世家》」。○《魏志》：「蔣濟以為舜本姓媯，其苗曰田，非曹之先。著文以追詰隆。」

程氏，出程伯休父。《太史公自序》云：「重黎氏世序天地，其在周程伯休甫其

① 《三國志·魏書·蔣濟傳》注引。

② 《三國志·魏書·武帝紀》注引。

③ 《三國志·魏書·明帝紀》。

④ 《晉書·武帝紀》。

後也。」應劭曰：「封為程國伯。休甫，字也。其後為司馬氏。」^{〔一〕}而《左傳》成十八年，「晉欒書、中行偃，使程滑弑厲公」。注：「程滑，晉大夫。」襄二十三年，「程、鄭嬖於公」。注：「鄭亦荀氏宗。」此則晉之程氏乃荀氏之別，不與休甫同出。今既祖休甫，又祖程嬰，則誤矣。^{〔二〕}

「〔一〕原注」《晉書·宣帝紀》：「其先出自帝高陽之子重黎，為夏官祝融，歷唐、虞、夏、商，世序其職。及周，以夏官為司馬。其後程伯休甫，周宣王時，以世官克平徐方，錫以官族，因而為氏。」

「〔二〕原注」《路史》以荀為文王之後。○《子華子》之書亦言其族出於司馬，而又曰：「趙則真吾姓之所宗氏也。」則程又與趙同祖。朱子曰：「《子華子》，近世偽書。」今或引其說以證姓氏之所從出，則誣其祖矣。○又按，《莊子》及《呂氏春秋》，子華子，韓昭釐侯時人。非孔子所見之程子。

沈氏。《宋書》沈約《自序》：「昔少皞金天氏，有裔子曰昧，為玄冥師，生允格、臺駘。臺駘能業其官，宣汾、洮，障大澤，以處大原。帝顓頊嘉之，封諸汾川。其後四國，沈、姒、蓐、黃。沈子國，今汝南平輿沈亭是也。」^{〔一〕}春秋之時，列於盟會。定公四年，諸侯會召陵，伐楚，沈子不會。晉使蔡伐沈，滅之，以沈子嘉歸。」按沈、姒、蓐、黃，四國皆在汾水之上，為晉所滅。^{〔二〕}黃非「江人、黃人」之黃，則沈亦非沈子嘉之沈，休文乃并列而合之為一，誤也。《唐宰相世系表》曰：「沈氏出自姬姓。周文王

第十子聃叔季食采於沈，汝南平輿沈亭即其地也。」此為得之。〔三〕

〔一〕〔原注〕汝南去汾州甚遠。

〔二〕〔原注〕左氏昭公元年《傳》曰：「今晉主汾而滅之矣。」

〔三〕〔原注〕又按魯有沈猶氏。《家語》：「魯之販羊有沈猶氏者。」曾子弟子沈猶行。是以地為姓。《漢書》：「景帝封楚元王子歲為沈猶侯。」

白氏。唐白居易《自序家狀》曰：「出於楚太子建之子白公勝。楚殺白公，其子奔秦，代為名將，乙丙已降是也。裔孫白起，有大功於秦，封武安君。」按白乙丙見於僖之三十二年。白公之死，則哀之十六年，後白乙丙一百四十八年。曾謂樂天而不考古一至此哉！〔二〕

〔一〕〔原注〕《唐·宰相世系表》以西乞術、白乙丙為孟明之子，尤誤。

揚氏。《漢書·揚〔二〕雄傳》曰：「其先出自有周伯僑者，以支庶食采於晉之楊，〔三〕因氏焉。楊在河、汾之間，周衰而楊氏或稱侯，號曰楊侯。會晉六卿爭權，韓、魏、趙興，而范、中行、知伯弊。當是時，逼楊侯，楊侯逃於楚巫山，因家焉。」①此誤以

① 按引文內諸「楊」字，《漢書·揚雄傳》原書今俱作「揚」。

楊侯與楊食我為一人也。《唐書·宰相世系表》曰：「楊氏出自姬姓，周宣王子尚父封為楊侯。」又云：「晉之公族食邑於羊舌，^{〔三〕}凡三縣，一曰銅鞮，二曰楊氏，三曰平陽。羊舌四族，叔向食采楊氏，其地平陽楊氏縣是也。」^{〔四〕}及晉滅羊舌氏，而叔向子孫逃於華山仙谷，遂居華陰。」用修據此，以楊、陽、揚、羊四姓為一，尤誤。按楊城即今之洪洞縣，本楊侯國。《左氏》女叔侯所云「霍、楊、韓、魏，皆姬姓也」。^{〔五〕}而子雲《反離騷》亦云：「有周氏之嬋嫣兮，或鼻祖於汾隅。靈宗初諱伯僑兮，流於末之楊^①侯。」不知其字何以為揚？及其滅於晉，而為大夫羊舌氏邑，則食我始見於《傳》。而楊朱與老子同時，又非羊舌之族也。陽氏則以國為氏，以邑為氏，皆不可知。^{〔六〕}晉有陽處父，乃在叔向之前。而楚之陽匄，魯之陽虎，^{〔七〕}非一陽也。宋之羊斟，邾之羊羅，非一羊也。安得謂陽為平陽，羊為羊舌，而并附之叔向乎？

〔一〕【原注】从才。

〔二〕【原注】《左傳》楊字从木。

〔三〕【原注】《左傳正義》引《世族譜》云：「羊舌，其所食邑名。」

① 《漢書·揚雄傳》引《反離騷》：「楊」作「揚」。

〔四〕孫氏曰：「案《漢書》雄本傳，據其《自敘》，出於晉之楊侯。而《廣韻》「楊」字注：「又姓，出弘農、天水二望。自周楊侯，後並於晉，因為氏也。」其「揚」字注不云「又姓」。是古人但有从木之楊姓，無从才之揚姓矣。或譏「修家子雲」一語，謂「德祖自紊其譜牒」者，蓋失於不考。杜子美《壯遊》詩：「斯文崔魏徒，以我似班楊。」謂班固、楊雄也。其下又押「心飛揚」，則子美亦以子雲之姓从木矣。

〔五〕〔原注〕襄二十九年。

〔六〕〔原注〕胡三省曰：「《春秋》閔公二年，齊人遷陽子孫，以國為氏。」○又按照公十二年，「齊高偃帥師納北燕伯於陽」。是邑名。

〔七〕〔原注〕曾子弟子有陽膚。

段氏。《後漢書》：「段熲，其先出鄭共叔段。」古人無以祖父名為氏者。凡若此類，皆不通之說。按段氏當出自段干。《史記》：「老子之子名宗，宗為魏將，封於段干。」《魏世家》有段干木、段干子。《田完世家》有段干朋。

〔一〕〔原注〕《唐書·世系表》：「封於段，為干木大夫。」謬。

褚氏。《唐·宰相世系表》云：「出自子姓。宋共公子段，字子石，食采於褚。其德可師，號曰褚師。」按褚師乃官名，不獨宋有此官，鄭亦有之，昭公二年「鄭公孫黑請以印為褚師」是也。衛亦有褚師聲子。〔二〕

「一」【楊氏曰】《宰相世系表》成於呂夏卿，蓋據當時譜牒為言，然甚多紕繆，如以陳餘為嬰之子，尤非。

賀氏。《晉書·賀循傳》曰：「會稽山陰人也。其先慶普，漢世傳《禮》，所謂慶氏學。族高祖純，安帝時為侍中，避安帝父「諱，改為賀氏。」《宋史》：「賀鑄自言出王子慶忌，居越之湖澤。所謂鏡湖，乃慶湖也。」按古但有以王父字為氏，無以名為氏者。慶忌，名也，不得為氏。而鏡湖本名鑑湖，慶古音羌，聲不相近。若齊之慶氏，居吳朱方，見於《左傳》。後人以慶封有弑君之惡，諱之，而欲更其祖，其不及宋司馬華孫遠矣。」

「一」【原注】清河王慶。

「二」【原注】見鑄本傳。然史即疑之。

「三」【原注】《水經注》有賀臺，越人吳，還而成之，故號曰賀臺。苟欲求越國之故，何不取之於賀臺，而必取之於鏡湖，又改「鏡」而為「慶」邪？

刀氏。「二」《姓譜》以為齊大夫豎刀之後。胡三省曰：「豎刀安得有後？《漢書·貨殖傳》有刀間。」愚按古書，「刀」與「貂」通，齊襄王時有貂勃。「二」

「一」【原注】《復古編》云作刁。非。

「二」錢氏曰《荀子》：「嫫母刀父。」朱子云：「刀父，未詳。」竊疑即齊豎刀。刀有貂音，後別作刁。

寇氏。《姓譜》：「出自武王弟康叔，為周司寇，後人因以氏焉。」按康叔為衛國之祖，必無以王官氏其支庶之理。此乃衛之司寇。《左傳》哀二十五年有司寇亥，即寇氏之祖也。《檀弓》有司寇惠子。

孔顏孟三氏

今之顏氏皆云兗國之裔。考《仲尼弟子列傳》，有顏幸、顏高、顏祖、顏之僕、顏噲、顏何，而孔子於衛，主顏讎由。此六人與讎由皆無後乎？今之孔氏皆云夫子之裔。《春秋》齊有孔虺，衛有孔達，陳有孔寧，鄭有孔叔、孔張，此五族者皆無後乎？且夫子出於宋，為子姓。而鄭，姬姓；陳，媯姓；衛，姁姓，「二」可合而為一乎？「三」

「一」【原注】哀十一年：孔姑。

「二」【原注】《史記·貨殖傳》：「宛孔氏之先，梁人也，用鐵冶為業。秦伐魏，遷孔氏南陽。」《平準書》：「孔僅，南陽大冶。」